



JUDICIAL **SYSTEM** MONITORING PROGRAMME

## Komunikadu Imprensa

**Periodu : Novembru 2011**

**Edisaun : 16 Novembru 2011**

### **Semináriu Nasionál konabá Violénsia Doméstika “Papel testemuña iha prosesu kazu violénsia doméstika” Organiza husi JSMP no FOKUPERS ho apoiu husi the Royal Norwegian Embassy**

**17 Novembru 2011, Salaun Popular China, Palaciu Presidencia, Dili, Timor Leste.**

Iha loron 17 Novembru 2011, JSMP no FOKUPERS ho apoiu husi The Royal Norwegian Embassy Jakarta, hala’o semináriu loron-sorin konabá papel husi testemuña iha kazu violénsia doméstika. Semináriu ne’e mós hala’o hodi selebra loron 16 Kampana konabá violénsia hasoru fetu kada tinan iha Timor-Leste.

Semináriu ne’e sei hala’o iha Palasiu Prezidente no sei lansa husi Sekretariu Estadu Promosaun Igualidade Sra Idelta Maria Rodrigues. Vice Ministru Dezenvolvimentu Internasionál Norwegia nian, Sra. Ingrid Fiskaa sei fo ninian observaun konabá Violénsia hasoru Fetu. Teatru Famoza ida, Doll House husi Jakarta mós apresenta istória ida konabá violénsia doméstika.

Semináriu ne’e foka liu ba importansia husi papel testemuña iha kazu violénsia doméstika. Semináriu ne’e mós koalia konabá impaktu husi artigu 125 Kódigu Prosesu Penál konabá protesau vitima no oinsa sinkroniza persepsau apoiu legál no protesau ba vitima violénsia doméstika.

Ministru Fiskaa hateten katak *“atu kombate violénsia bázeia ba jéneru, ita tenke tau konsiderasaun ba fatores lubuk ida, inklui fatores individuais, kulturais no estruktural hanesan dimensaun polítiku, legál no ekonomiku. Foin lalais, iha Timór Léste ita boot sira mós foti ona passu legál importante sira ne’e.”*

Sekretariu Estadu iha ninia intervensaun hateten katak *“ami sei kontinua servisu hamutuk ho sociedade sivil no instituisaun xavi relevantes hodi implementa Lei Kontra Violénsia Doméstika”. Nia hatutan katak “dezisaun Tribunál Rekursu ne’ebé hasai foin lalais hodi permite testemuña ba vitima hodi fo ninian depoimentu iha tribunál ne’e nu’udar pasu pozitivu ba protesau direitu vitima violénsia doméstika hodi asesu ba justisa”.*

JSMP no Fokupers fiar katak forum ida ne'e importante liu ba tantu sosiedade sivil no autór tribunál, nomós autór xavi iha setór jéneru no justisa, tanbá ida ne'e sei ajuda sira atu diskuti no kumpriende dezafiu real ne'ebé vítima violénsia doméstika hasoru durante prosesu julgamentu.

Atu hetan informasaun kle'an favor kontaktu direitamente:

Sra. Maria Barreto  
Diretóra FOKUPERS  
Mobile: +6707273953  
E-mail: [fokupers2003@yahoo.com](mailto:fokupers2003@yahoo.com)

Ka bele kontaktu ba:  
Sr. Casimiro Dos Santos  
Adjunto Diretór JSMP  
Mobile: +6707257466  
E-mail: [casmiro@jsmp.minihub.org](mailto:casmiro@jsmp.minihub.org)